

**RESOLUCIÓN do 23 de decembro de 2025 pola que se establecen as bases reguladoras e se anuncia a convocatoria, mediante tramitación anticipada de gasto, de subvencións para proxectos de enerxía fotovoltaica, para o ano 2026, cofinanciadas polo Fondo Europeo de Desenvolvemento Rexional nun 60 % do gasto elixible, no marco do programa Galicia Feder 2021-2027. Axencia Instituto Enerxético de Galicia (DOG N° 12, 20/01/2026)**

## Obxecto

O obxecto de estas bases é apoiar proxectos con fins de aforro enerxético e fomento do uso racional das enerxías renovables. Os proxectos limitaranse a instalacións para a xeración de electricidade mediante paneis solares fotovoltaicos en réxime de autoconsumo.

Estas axudas tramítaranse polo réxime de **concorrenza competitiva**.

O código de procedemento é **IN421S**

## Persoas beneficiarias

Poderán acceder á condición de persoas beneficiarias:

- empresas legalmente constituídas e autónomas, incluídas as empresas de servizos enerxéticos.
- administración locais de Galicia e entidades dela dependentes.
- entidades sen ánimo de lucro

## Investimentos subvencionables

Serán investimentos subvencionables:

- Os paneis solares fotovoltaicos.
- O acondicionamento da enerxía eléctrica (inversores, convertedores, reguladores, cadros eléctricos, elementos de interconexión, proteccións, cablaxe, equipamentos de medida e outros equivalentes), monitorización (sensores, adquisición de datos, comunicación remota e outros equivalentes) e sistema de acumulación con baterías que non sexan de chumbo ácido.
- O resto de accesorios da instalación para o correcto funcionamento do sistema.
- O custe de montaxe e conexiónado

A potencia mínima dos paneis fotovoltaicos do proxecto será de 100 kWp e a potencia máxima de 1.000 kWp.

Para as instalacións fotovoltaicas, o investimento elixible máximo por potencia unitaria (sen IVE) estará limitado a 750 €/kWh.

Adicionalmente, se o proxecto leva un sistema de acumulación con baterías, considerarase un custo adicional sen IVE de 750 €/kWh de capacidade de acumulación. As baterías de chumboácido non serán elixibles. De non incorporar ao proxecto baterías, este sumando sería cero.

Non serán subvencionables o IVE, funxible en xeral, obra civil non asociada á instalación, licenzas, aranceis, bens de segunda man, partidas alzadas, nin ampliación de instalación fotovoltaicas que xa foron obxecto de axuda do Inega en anos anteriores.

## Criterios de valoración

1. Características técnicas: paneis fotovoltaicos (ata 50 puntos).

Tipo de módulo fotovoltaico	Puntuación
Paneis fotovoltaicos con rendementos de panel superior ao 24 %	50
Silicio monocristalino	35
Silicio policristalino	25
Silicio amorfo e resto de paneis	5
Resto de paneis	0

2. Grao de autoconsumo da instalación (ata 30 puntos)

2.1. Autoconsumo da instalación (ata 25 puntos) valorándose:

- Relación entre potencia contratada e potencia da instalación fotovoltaica.
- Relación entre enerxía anual xerada fronte á consumida
- Modalidade de autoconsumo con excedentes
- A instalación incorpora baterías para almacenamento

2.2. O proxecto forma parte dunha Comunidade Enerxética Local: 5 puntos

3. Repercusión enerxética da axuda concedida (ata 20 puntos)

## Contía das axudas

A intensidade da axuda, segundo o tipo de beneficiario será a seguinte:

Persoa beneficiaria	% máxima axuda
Entidades locais	60 %
Entidades xurídicas sen ánimo de lucro (que non realicen actividade económica)	60 %
Empresas, as súas agrupacións e asociacións, así como entidades sen ánimo de lucro que realicen actividade económica. No caso de pequenas empresas, a axuda incrementarase en 20 puntos porcentuais e no caso de medianas empresas, en 10 puntos porcentuais	30%

A contía máxima da axuda por proxecto será de 150.000 €.

## Réxime de *minimis*

As axudas que se concedan ao abeiro destas bases terán a consideración de axuda *de minimis*.

## Prazo de execución

O prazo de execución iniciarase unha vez presentada a solicitude de axuda e finalizará na data establecida na resolución de concesión, sen que nunca poida exceder o **15 de outubro de 2026**, para solicitudes con proxectos que se realicen ata esta data, e o **30 de setembro de 2027**, para solicitudes con proxectos que se realicen ata esta data.

## Prazo de presentación de solicitudes

O prazo de presentación de solicitudes comeza o día **28 de xaneiro e remata o 2 de marzo de 2026**.